

Wozjewjenja na Swjatkowničce (28.05.2023)

1. Džensa popołdnju je w 14.00 hodž. swjatkowny nyšpor. Wšitcy wosadni su cyle wutrobnje přeprašeni.
2. Nětko po kemšach je zběrka při durjach postajena za biskopski skutk Renovabis, za cyrkej we wuchodnej Europje.
3. Stick z wobrazami wo swjatym firmowanju móžeja sej firmowani abo jich starši po kemšach za 10,00 € wotewzać.
4. Boža mša, kotraž so w interneće na You Tube přenjese je džensa w 9.00 hodž. z Chrósćic. Link za scěhowanje Božej mše je:
<https://youtube.com/live/iyCZEbydZj4?feature=share>
5. Procesion do Róžanta woteńdže Swjaty pónđzelu w 7.30 hodž. z Koslowa. Prošu wobdžělce so w bohatej ličbje. Młodostni njech sej prošu službu chorhojnikow wotřeča.
6. Srjedu, 31.05. je rano w 7.30 hodž Boža mša za wšitkich našich seniorow, staršich a młódšich. Přizamknje so snědań na farje. Po tym skedźbnja nas policija na to, kak móžemy so před wobšudnikam škitać.
7. Džěćace kemše w tutym tydženju njejsu.
8. Ministranća zetkaja so ke kopańcy pjatk w 17.00 hodž. na sportnišću.
9. Koparski turněr ministrantow ze serbskich wosadow budže sobotu, 24. junija, w Pěskecach. Započatk je w 9.00 hodž. z Božej mšu we wjesnej kapałce.
10. Štóž móže při nabožnym tydženju wot pónđzele, 10. julija do pjatka, 14. julija pomhać, njech so prošu pola fararja přizjewi abo zady do lisćiny zapisa.
11. Wšitcy seniorojo a dalši zajimcy su přeprašeni srjedu, 21. junija na wulět do Marijineho Doła, Žitawy a wokoliny. Cyłodnjowski wulět płaci 75,00 €. Prošu přizjewce so hač do 31.05. pola knjeni Lucije Šenkoweje w Bronju. Nadrobniše informacije su na wuwěšku a w interneće.
12. Přichodnu njedźelu, 04.06. je w 14.00 hodž. ekumeniski nyšpor w Njeswaćidle. Za čas nyšpora budže tež katecheza za džěći. Wšitcy su wutrobnje přeprašeni.
13. Prosimy wěriwych, zo bychu na Bože ćělo wjes z mejkami rjenje wupyšili. Mejki njemóžemy we wulkim mnóstwje wobstarać. Tohodla prosimy wšitkich, kotřiž bydla při čarje, po kotrejž procesion kroči, zo sebi mejki sami wobstaraja.